

# Eu teño alguén

María Fumaça

**Eu teño alguén no meu corazón  
Eu teño alguén no meu corazón  
Eu teño alguén no meu corazón  
Eu teño alguén no meu corazón**

Un can, un peixe, un zapato,  
un pin, un chifre, un calendario  
un punto e coma, un silabario,  
Un oito, un nove, un dez.  
Unha bolsiña de canicas,  
unha pistola de martinicas,  
Unha buxaina bailadora,  
un acorde e un violín.

**Retrouso: Eu teño alguén no meu corazón...**

Un con, un barco, unha batea,  
un link, un verso, unha serea,  
un conto, un grilo, un guiñol,  
un do, re, mi, fa, sol.  
Un bico, un sapo, un cabalo,  
o cofre dun pirata malo,  
as clases de anatomía  
e unha volta en camión.

**Retrouso: Eu teño alguén no meu corazón...**

Un tapete con estrelas debuxadas,  
un Pinnochio cunha perna escangallada,  
unha locomotora dispartada  
e unha viaxe en chimpín.  
Bocas que inventan palabras,  
ollos que contan historias,  
ouvidos que saben escoitar  
e mans que saben mirar.

**Retrouso: Eu teño alguén no meu corazón...**